



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Svmma Diana**

**Diana, Antonino**

**Coloniae Agrippinae, 1656**

Reus interrogatus

**urn:nbn:de:hbz:466:1-40647**

Nec ad torturam quidem.

absque termino defensionis, quia defensio competit reo de jure naturali & divino, (Clem. Pastoralis de re iud. & Theologi communiter cum Jurisperitis. Vide Pegueram in praxi, cap. 12 §. 6. num. 2.) in quo nec Summus Pontifex dispensare potest. cap. 1. de causa possess. & propriet. Immo Jurisconsulti communiter apud Farinac. quest. 30. num. 35. tenent, non posse condemnati reum indefensum, etiam si sit convictus, vel confessus, etiam si defensionem non petat, (& quamvis nullus textus clarè dicat, defensionem dari debere ante torturam: communis nihilominus opinio apud Navarum cons. 8. de accus. tenet dari debere resolutione 29. ubi infra. §. Ad quartum.) Potest tamen Princeps reum indefensum damnare in certis casibus expressis, in quibus scit nullam ei defensionem competere, ut si delictum esset notorium, & timeretur populi tumultus. Sed extra eos casus non potest. Rudolphinus de Princ. pot. cap. 2. num. 92. Consistit porò defensionis substantia in scientia eorum, quæ testes dixerunt, cap. qualiter & quando, de accus. in 6. ibi: & exponenda sunt ei capitula, ut facultatem habeat se defendendi, part. 3. tractat. 5. resol. 98. & in addit. res. 26.

At si testes sint falsi, non potest illis falsum crimen obicere, ad infringendam fidem.

5. Reus Calumniatus, seu per falsos testes judicatus, de crimine, iisdem falsis testibus falsum crimen obiciens, non peccat contra justitiam: sed tam testes ab ipso inducti ad perjurium, quam ipse peccarent contra Religionem. Ledesma tom. 2. tractat. 8. cap. 35. conclus. 21. & Cruz pract. 8. art. 4. dub. 17. concl. 1. probabile putat, hunc modum defensionis non esse mortaliter, sed solum venialiter malum, secluso perjurio. Sed Malderus ubi supra dub. 3. & DD. communiter dicunt esse mortiferum: quia cum mendacium sit intrinsecè malum, reus non potest habere jus, per illud se defendendi, part. 3. tractat. 5. resolutione 4. † quæ tamen ratio non probat esse mortale. †

R E V S  
Interrogatus, Condemnatus.

10. † R EUS indiciatus, accusatus, vel diffamatus de delicto, post semiplenam probationem interrogari potest à iudice, an crimen commiserit, & ipse tenetur illi verum dicere, etiam contra se; & confessarius potest illum ad hoc obligare absque periculo irregularitatis, si delictum sit capitale, ut dictum est verb. Irregularitas, num. 54. † Debet autem scire, quòd juridicè interrogatur: unde, ut obligetur respondere, debet ei notificari testium depositio. Aldrete de relig. disc. lib. 2. cap. 4. n. 7. & alii cum Miranda, quem vide tom. 2. quest. 19. art. 13. concl. 1. Et ratio est, quia donec depositionem videat, non tenetur præjudicare suæ famæ, quam justè possidet. Et hæc opinio secundum hos DD. (contra Josephum à S. Maria in trib. relig. tractat. 4. cap. 17. §. 3. procedit etiam in causis Regularium part. 3. tract. 5. resol. 91. Non tamen hæresis, ut dictum est verb. Inquisitorum, num. 199. Adde, probabilissimam esse Sancio disputat. 43. num. 29. & aliorum sententiam, quod si reus licet juridicè interrogetur, non teneatur in conscientia delictum, ex quo ei capitis treremium, mutilationis, confiscationis, vel alicujus gravis dedecoris malum imminet, fateri, donec delictum plene probatum sit, quia quilibet habet jus à natura se conservandi; idque etiam cum morte invaloris, vel alienæ rei dispendio, nec præceptum iudicis obligat illum in conscientia, cum nec obligare possit ad testificandum contra parentes, & sanguine junctos. l. 4. ff. de test. sed solum imponitur ad illum terrendum, & inducendum ad confessionem. Nec absurdum est (ait Pelantius disp. unic. ad quest. 70.) quòd iudex justè interroget, & reus justè neget: nam justè etiam iudex reum carceribus mancipat, & dominus justè servum detinet apud se, & nihilominus uterque justè fugere potest, part. 2.

Reus tenetur respondere iudici, quem juridicè interrogaret.

Sciatur.

Sed probabile est non procedere in causa capitali, &c.